

SOALAN LAZIM
BANTUAN KHAS KEWANGAN AIDILFITRI TAHUN 2025

A. PENJAWAT AWAM

BIL.	SOALAN	KELAYAKAN
Pelaksanaan		
1.	Siapakah yang layak dibayar Bantuan Khas Kewangan Aidilfitri (BKKA) Tahun 2025?	BKKA Tahun 2025 dibayar kepada pegawai Perkhidmatan Awam Persekutuan Gred 15 dan ke bawah (setara Gred 56 dan ke bawah) yang dilantik secara tetap, sementara, <i>Contract of Service</i>¹ dengan syarat pegawai masih berkhidmat pada 27 Mac 2025. BKKA layak diberi kepada: • pegawai yang bercuti bergaji penuh; • pegawai yang bercuti separuh gaji; • pegawai yang bercuti tanpa gaji; • pegawai yang dipinjamkan/ ditukar sementara termasuk ke agensi yang diasingkan pengurusan saraannya; • guru interim; • pemandu yang dilantik sendiri oleh pegawai Gred Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya; dan • pemandu yang dilantik sendiri oleh Anggota Pentadbiran, Hakim dan Pesuruhjaya Kehakiman. BKKA juga dibayar kepada Personel MySTEP dengan syarat telah dilantik sebelum 27 Mac 2025 dan masih berkhidmat pada 27 Mac 2025.

1. Bagi pegawai di bawah Contract for Service, surat edaran berasingan akan dikeluarkan oleh Kementerian Kewangan.

BIL.	SOALAN	KELAYAKAN
2.	Berapakah jumlah BKKA yang akan dibayar?	BKKA sebanyak RM500 dibayar kepada pegawai Perkhidmatan Awam Persekutuan Kumpulan Pengurusan dan Profesional serta Kumpulan Pelaksana Gred 15 dan ke bawah termasuk pegawai/ kakitangan lantikan kontrak. Turut dipanjangkan dengan kadar RM250 kepada pesara Kerajaan termasuk: • pesara berpencen; • penerima pencen terbitan; • pesara Skim Kumpulan Wang Simpanan Pekerja (KWSP) yang bersara mengikut umur persaraan wajib; • pesara bersara pilihan dan belum menerima pencen; • veteran berpencen; dan • veteran tidak berpencen.
3.	Bilakah BKKA ini akan dibayar dan jabatan manakah yang bertanggungjawab membuat pembayaran tersebut?	BKKA akan dibayar pada 27 Mac 2025 dan menjadi tanggungan jabatan di mana pegawai berkhidmat pada tarikh pembayaran.
Pegawai Lantikan Baharu		
4.	Adakah pegawai yang dilantik pada 27 Mac 2025 layak menerima BKKA?	Pegawai yang telah dilantik dan masih berkhidmat pada 27 Mac 2025 layak menerima BKKA.
Pegawai Lantikan Kontrak (Interim)		
5.	Adakah pegawai Lantikan Kontrak (Interim) layak menerima BKKA?	Layak.
Cuti Perubatan Khas		
6.	Adakah pegawai yang dalam Cuti Perubatan Khas sepanjang tempoh 1 Januari 2025 hingga 27 Mac 2025 layak menerima BKKA?	Layak.

BIL.	SOALAN	KELAYAKAN
Cuti Separuh Gaji/ Tanpa Gaji		
7.	Adakah pegawai yang cuti separuh gaji/ tanpa gaji sepanjang tempoh 1 Januari 2025 hingga 27 Mac 2025 layak menerima BKKA?	Layak.
Pegawai Peminjaman/ Tukar Sementara/ Memangku		
8.	Adakah pegawai yang memangku, dipinjam/ tukar sementara dan secara penempatan khas ke Gred Utama/ Gred Khas layak menerima BKKA?	Pegawai tidak layak kerana pegawai telah menikmati elaun dan kemudahan atas Gred Utama/ Khas.
9.	Adakah pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta layak menerima BKKA?	Pegawai layak dan akan dibayar oleh agensi yang menerima peminjaman pegawai (agensi peminjam) tertakluk kepada penerimaan agensi dalam surat edaran rujukan JPA.800-3/2/4 (52) bertarikh 21 Mac 2025 .
Pegawai <i>Contract of Service</i> (COS)		
10.	Adakah seorang pegawai lantikan COS layak diberi BKKA sekiranya beliau berkhidmat mulai 1 Mac 2024 hingga 28 Februari 2025 dan tidak lagi berkhidmat selepas tarikh tamat kontrak tersebut?	Pegawai tidak layak kerana tidak lagi berada dalam perkhidmatan pada 27 Mac 2025 .
11.	Adakah seorang pegawai COS yang dilantik pada 1 Januari 2025 hingga 31 Disember 2025 layak diberi BKKA?	Pegawai layak selagi mana beliau masih berada dalam perkhidmatan pada 27 Mac 2025 .
Personel MySTEP		
12.	Adakah seorang Personel MySTEP yang dilantik bermula pada 2 Januari 2025 dan masih berkhidmat pada 27 Mac 2025 layak diberi BKKA?	Personel MySTEP layak menerima BKKA Tahun 2025 dengan syarat telah dilantik sebelum 27 Mac 2025 dan masih berkhidmat pada 27 Mac 2025 .

BIL.	SOALAN	KELAYAKAN
13.	Adakah Personel MySTEP yang dilantik bermula pada 2 Januari 2025 dan tamat kontrak pada 27 Mac 2025 layak diberi BKKA?	Personel MySTEP tidak layak kerana tidak lagi berada dalam perkhidmatan pada 27 Mac 2025 .
Pekerja Sambilan Harian (PSH)		
14.	Adakah PSH yang dilantik di bawah Pentadbiran Setiausaha Kerajaan Negeri layak menerima BKKA?	Tertakluk kepada Pentadbiran Setiausaha Kerajaan Negeri masing-masing.
Hukuman Tatatertib		
15.	Adakah pegawai yang dijatuhkan hukuman amaran pada 23 Februari 2025 oleh Pihak Berkuasa Tatatertib Kementerian/ Jabatan layak diberi BKKA?	Pegawai layak menerima BKKA.
16.	Adakah pegawai yang telah dijatuhkan hukuman tatatertib pada 30 November 2024 dan pelaksanaan hukumannya berlanjutan melangkaui tempoh 1 Januari 2025 layak diberi BKKA?	Pegawai layak menerima BKKA.
17.	Adakah pegawai yang dijatuhkan hukuman turun pangkat pada 19 Februari 2025 oleh Pihak Berkuasa Tatatertib Kementerian/ Jabatan layak diberi BKKA?	Pegawai layak menerima BKKA.
18.	Adakah pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib layak dibayar BKKA?	Pegawai layak menerima BKKA.
Meninggal Dunia Dalam Perkhidmatan		
19.	Adakah pegawai yang meninggal dunia pada 27 Mac 2025 layak menerima BKKA?	Pegawai layak dengan bayaran sebanyak RM500 dan akan dibayar oleh jabatan terakhir pegawai berkhidmat.

BIL.	SOALAN	KELAYAKAN
Meletak Jawatan/Berhenti/Ditamatkan Perkhidmatan		
20.	Adakah pegawai Perkhidmatan Awam Persekutuan yang meletak jawatan/berhenti/ ditamatkan perkhidmatan demi kepentingan awam sebelum atau pada 27 Mac 2025 layak diberi BKKA?	Pegawai tidak layak kerana pegawai tidak lagi berada dalam perkhidmatan.
21.	Adakah pegawai yang menyerahkan notis peletakan jawatan pada 31 Disember 2024 dan meninggalkan perkhidmatan pada 28 Mac 2025 layak diberi BKKA?	Pegawai layak , kerana pegawai masih lagi dalam perkhidmatan pada 27 Mac 2025 .

B. PESARA KERAJAAN

BIL.	SOALAN	KELAYAKAN
Pesara		
22.	Siapakah pesara Kerajaan/ penerima pencen yang layak dibayar BKKA Tahun 2025?	Pesara Kerajaan yang menerima pencen di bawah undang-undang pencen/ Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 yang bersara pada atau sebelum 27 Mac 2025 bagi semua gred di dalam: i) Perkhidmatan Awam Persekutuan (termasuk Polis Diraja Malaysia) dan Negeri; ii) Perkhidmatan Pihak Berkuasa Berkanun (Persekutuan dan Negeri) dan Pihak Berkuasa Tempatan; iii) Perkhidmatan Angkatan Tentera Malaysia; iv) Pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/ 56/ 58/ 60 tahun) atau bersara atas sebab kesihatan; dan v) Pesara bersara pilihan yang belum menerima pencen.
23.	Siapakah penerima pencen yang layak dibayar BKKA?	Penerima pencen yang layak adalah penerima pencen perkhidmatan, pencen hilang upaya, pencen terbitan dan pencen tanggungan, pencen orang tanggungan, elaun tanggungan, elaun bersara dan elaun bersara terbitan sehingga 27 Mac 2025 .
24.	Berapakah jumlah bayaran BKKA yang diterima oleh pesara Kerajaan yang menerima pencen/ pencen terbitan/ pesara Skim KWSP/ veteran berpencen/ veteran tidak berpencen?	Jumlah bayaran yang diterima adalah sebanyak RM250 .

BIL.	SOALAN	KELAYAKAN
25.	Adakah penerima pencen terbitan yang lebih daripada seorang turut layak dibayar BKKA?	Penerima berkenaan layak dan akan dibayar berasaskan pembahagian sama rata mengikut akaun penerima pencen.
26.	Adakah pegawai yang bersara selepas 27 Mac 2025 layak menerima BKKA dengan kadar Penjawat Awam sebanyak RM500?	Pegawai layak kerana pegawai masih berkhidmat pada 27 Mac 2025 .
27.	Adakah pesara/ penerima pencen yang tidak bermastautin di Malaysia layak menerima BKKA?	Pesara/ penerima pencen yang bermastautin/ menetap di luar negara layak menerima BKKA.
28.	Siapakah pesara/ penerima pencen terbitan yang tidak layak menerima BKKA?	Pesara/ penerima pencen terbitan yang tidak layak adalah: i) Pesara perkhidmatan sebagai Ahli Parlimen atau Anggota Pentadbiran; ii) Pesara perkhidmatan sebagai Setiausaha Politik; iii) Pesara perkhidmatan sebagai Hakim; iv) Penerima pencen Skim Pencen Balu dan Anak Yatim (Semenanjung, Sabah dan Sarawak); v) Penerima bayaran Ex-Gratia Bencana Kerja di bawah 1PP:WP6.3 - Pengurusan Wang Awam; vi) Penerima pencen terbitan di bawah undang-undang pencen/ Peraturan-Peraturan Angkatan Tetap (Pencen, Ganjaran dan Faedah-Faedah Lain) 1982 kerana kematian pegawai dalam perkhidmatan selepas 27 Mac 2025; dan vii) Pegawai berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).

BIL.	SOALAN	KELAYAKAN
29.	Adakah pesara yang bersara atas dasar penswastaaan atau pengkorporatan layak dibayar BKKA?	Layak sekiranya mereka adalah penerima pencen.
Pesara dan penerima pencen terbitan yang meninggal dunia dalam persaraan		
30.	Adakah pesara yang meninggal dunia sebelum atau pada 27 Mac 2025 layak diberi BKKA?	Layak dan akan dibayar kepada Penerima Pencen Terbitan sebanyak RM250.
Veteran/ Pesara yang dilantik semula ke dalam perkhidmatan awam		
31.	Adakah veteran/ pesara yang dilantik semula secara tetap, sementara, COS atau CFS dan masih berkhidmat pada 27 Mac 2025 layak BKKA?	Layak dibayar BKKA sebanyak RM500 Pembayaran sebanyak RM250 akan dibuat oleh Jabatan Perkhidmatan Awam (JPA) atau Jabatan Hal Ehwal Veteran (JHEV) dan baki RM250 akan dibayar oleh jabatan di mana pegawai sedang berkhidmat.
32.	Sekiranya pesara berkenaan mempunyai rekod di JPA dan juga di JHEV, jabatan manakah yang akan membayar BKKA kepada pesara tersebut?	BKKA akan dibayar oleh JPA dengan kadar sebanyak RM250.